



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

50. De Taciturnitate, & Modestia

[urn:nbn:de:hbz:466:1-60091](#)

lo promerendam disponat. Feruor iuxta huius virtutis præscriptum studijs vacandi.

De Taciturnitate & Modestia.

L.

I. Expende quomodo exercenda sit, ut Deo magis placeat discreta taciturnitas (qua est virtus, qua immoderatus loquendi appetitus tum inutilia, tum etiam utilia, sine debito modo, & tempore cohibetur, habetq; virtutem opposita loquacitatem, & nimiam taciturnitatem;) quoad actus quidem internos sic: volendo & proponendo hos sequentes actus exteriores exercere, qui sunt: 1. Nihil illicitum, inutile, & otiosum proferre, 2. Nec bona extra tempus & locum sine debitiss circumstantijs, non ad ostentationem, sed ad Dei gloriā, nostram aliorumque necessitatem, & utilitatē. 3. Ad spiritum recollendum certis temporibus promptè secessum captrare, atque ab ordinario etiam docendi, & monendi officio cessare Quoad exteriores verò actus hæc eadem facto ipso præstando, idque pura intentione Diuini beneplaciti, & spiritualis nostri, aliorumque profectus, seriò prudenter, constanter. Quam egregiè id prestiterit B. Virgo paruula in templo: salu-

salutata ab Angelo, Elisabetham inueniens: ante & post ascensionem filij parum cum hominibus, multū cum Deo colloquens! Quanto perfectius Christus Dominus penè usque ad 30. annū silens: 40. diebus in cremum, sepius in montes, & loca deserta secedens: ante passionem in ciuitate Ephrem latitans: apud Herodem & Pilatum tacens: sicut agnus obmutescens cum duceretur ad victimam: Zelus perfectè seruandi laudabile silentium, & amandi secretum.

II. **Q**uomodo piè meritorieq; sit exercenda modestia (qua est virtus, qua extenuos corporis motus, & gestus moderatur, ludis & iocis moderationē adhibet, cultui apparatui persona debitum modum imponit, virtus illi opposita sunt insolentia & rusticitas:) quoad actus quidem inter nos sic: Desiderando, ac proponendo actus sequentes exteruos exercere. 1. Caput, oculos, frontem, labia, linguā, vestes, manus, incessum, & omnes corporis motus & gestus decenter, religioseque componere. 2. Ludis & iocis animi remittendi gratia uti raris, decentibus, statui, personæ, & ædificatiōni aliorum congruentibus. 3. In vestibus & supellecīile omnem cauere immup-

immunditiam, exquisitum nitorem,
mollitem, ambitionem & curiosita-
tem, & quicquid minus ordinatum
affectum redolet, minusque ædificat.

Quoad externos verò actus, hæc om-
nia re ipsa præstare conando, idque
sincero animo, non hominibus, sed
Deo placendo, debita cum diligentia,
constantia, decentia & ædificatione.
Quam eminenter hac virtute excellu-
erit B. Virgo, aspectu, verbo, gestu, &
omni corporis motu, diuinum quid
præ se ferens, omnes ædificans, idque
eò perfectius, quò purior erat in his
omnibus eius intentio, maiorque cum
Deo, quem præsentem iugiter reuere-
batur, coniunctio? Quantò adhuc e-
minentius Christus eadem præcellue-
rit puer duodennijs Doctores in ad-
mirationem rapiens: in prædicatione
docens, cum omnium stupore tanquam
potestatem habens: Seruos submissos
ad se apprehendendum attonitos red-
dens: omnes miramorū grauitate,
seuitate, gratia in admirationem sui,
venerationem & amorem mirificè tra-
hens? Zelus imitandi.

I H. Incitamentum ad assiduum utrius-
que virtutis exercitium, cuiusmodi
sunt,

sunt, quod per illud zelus triplex Deo-
tam honorificus, nobis tam necessari-
us, proximis tam fructuosus mirum in-
modum promoueatur. 1. Zelus Diu-
næ Maiestati vbiique præsenti debitā
reuerentiam, cultum, obsequiumque
perfectè exhibendi, arctissimamque
cum eo familiaritatē per crebras pi-
orum affectuum & suspriorum ei-
culationes iugiter souendi. 2. Zelus ad
eximiam conscientię puritatem, mé-
tis tranquillitatem, & virtutum soli-
ditatem perstringendi. 3. Zelus ardens
proximos omnes Christo lucrandi, at-
que ad serium eximię perfectionis v-
niuscuiusque statui propriæ studium
efficaciter, verbo & exemplo pertra-
hendi. Ad quem triplicem zelum ac-
quirendum, augendum, conseruan-
dum, quantum conferat accurata lin-
guæ custodia, & religiosa modestia,
quām clare quotidiana probat expe-
riētiā? Zelus in vtraque hac
virtute constanter
proficiendi.

Finis Meditationum Sextæ
Partis.